

बच्चन के ले बाइबिल
देत है

दाउद एक
चरबाहो लड़िका



द्वारा लिखत: Edward Hughes

द्वारा चित्र: Lazarus
Alastair Paterson

द्वारा अनुकूल: Ruth Klassen

द्वारा अनुवाद करो गयो:

द्वारा बनाओ: Bible for Children
www.M1914.org

©2022 Bible for Children, Inc.

लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।



बहुत पहिले की बात हई, इस्राएल के राजा शाउल के दिनन मा,
दाउद नाउ को एक लड़िका अपने सात भइयन के संग मा अपने बाप
की भेड़न की खबारी कन्न मा मदति कत्ति हतो। लेकिन बउ सबसे
छोटो हतो, दाउद एकु साहसी, वीरु अउरु परमेश्वर कौ प्रेमु कत्ति हतो
अउरु बा पर भरोसा कत्ति हतो। बइ सब जने बैतलहम के एक नगर
मा रहत हते।



एक दिन एक शेर ने नन्हे भेड़ के बच्चा
कौ खान के लै झुण्ड पर हमला करि दौ।
बा जवान दाउद ने हमला कन्न बाले पर
हमला करि दौ। भेड़ के बच्चा कौ बचइबे
के बादि, बाने बा भयानक गज्जन बाले
जानबर को जबड़ा पकरि के फारि डारो
और बाई मारि डारो। दाउद का जा
मालुम हती कि परमेश्वर ने बाकी
मदति करी हइ।



शमूएल, परमेश्वर को भविष्यवक्ता, अभंडु बडु राजा शाउल से परेशान हतो कि राजा शाउल ने किती बुरी तरह से परमेश्वर की बातन कौ मनिबो छोडि दौ हतो। परमेश्वर ने शमूएल कौ डांटो। “कि कब तक तुम शाउल के लै दुखु मनइअउ? हम तुमइ यीशै के तीर पठौउत हंइ ...क्योंकि हमने बाके लडिकन मा से एक कौ राजा होन के लै चुनि लओ हइ” यीशै दाउद को बापू हतो।



फिलहाल शमूएल कौ मालूम हती कि
अगर बउ नए राजा की खोज मा जई
तउ राजा शाउल उसइ जान से मारि
सकति हइ, तबहूँ भविष्यवक्ता ने
परमेश्वर की बात मानी।





जब शमूएल हुआं पहुँचो, यीशै ने अपने सातऊ लड़िकन कौ शमूएल के सामने आउन के लै कही। शमूएल ने यीशै से कही, “यहोवा परमेश्वर ने इनमा से किसउ कौ नाइ चुनो हइ।” अब केवल दाउद, सबसे छोटो लड़िका बचो हतो। बउ भेड़न के संग मा बहिरारि हतो। बइ दाउदउ कौ भीतर लाए। अउरु यहोवा परमेश्वर ने कही, “उठउ, जाइ को अभिषेक करउ; क्योंकि जहे हइ।”



शाउल के महेल मा से, प्रभु को आत्मा शाउल कौ छोड़ि के चलो गओ
अउरु अब बउ एकु बहुतु परेशान आदिमी हुई गओ हतो। बाके नौकरन
ने सोंची सायिति बढ़िया गाना-बजाना शाउल के मन कौ शांति दई


सकति हइ। उनमा से एकु नउकरु
एक नौजवान कौ जानति हतो
जो बहुत बहुतु बढ़िया वीणा
बजाई लेति हतो। का तुम
अंदाजा लगाई सकति
हउ कि बउ नौजवानु
कौनु हतो? हाँ, बउ
दाउदइ हतो।



दाउद के गाना ने शाउल कौ तसल्ली दइ
अउरु अच्छो सोचन के लै बाकी मदति
करी। शाउल ने यीशै से दाउद कौ राजा
की सेवा मा रहन के लै मांगो। जब कबहूँ
शाउल कौ उदासी को या डरान को दौड़ा
पत्ति हतो, तब दाउद बाके लै वीणा
बजाउति हतो, जिस से बाई बहुत
तसल्ली मिलित्त हती।



जब दाउद अपने घरइ चलो गओ, तब शाउल पलिश्तइन के संग मा एक भारी लड़ाई लड़ी। दाउद के भइया शाउल की फ़ौज की तरफ से लड़े? यीशै ने दाउद का बाके भइयन के तीर पठओ कि बउ उनके लै खइबे कौ लइ जाई अउरु पता लगाबई कि बइ लोग लड़ाई के मैदान मा कैसे हंडं।



एक विशाल पलिशती, गोलियत ने, सब इस्राएली सिपाहिन कौ डरबाई दौ हतो।




“अपने लै एक आदिमी कौ छांटि लेउ, अउरु बाई मेरे तीर आउन देऊ!”
गोलियत चिल्लाओ। “अगर जो मेरे संग मा लड़ई अउरु हमइ मारि
डारइ, तऊ हम सब सदा के लै तुमारे दास हुई जइहीं। लेकिन अगर
हमने बाई मारि डारो, तउ तुम सब मेरे दास बनि
जइअउ अउरु मेरी गुलामी कन्न परिही।” इस्राएल के

सब आदिमिन ने, जब
उन्ने बा भयानक
आदिमी कौ देखो,

बाके तीर से भाजि
गए अउरु बहुतु
डराई गए।



तब दाउद ने शाउल से कही, “बाके मारे इत्तो डरइबे की जरूरति नाइ हइ; अब अपने जा सेवक कौ जान देउ अउरु हम जा पलिशती के संग लड़िहीं।” शाउल चांहति हतो कि दाउद कवचु पहिनि के अउरु तलबारि लइके जाइ। जाके बजाए, दाउद ने अपनी गुफनी कौ लौ अउरु बाने नाला मइ से पांच चिकने पत्थरन कौ उठाई लौ।




गोलियत हँसन लगो जब बाने देखो कि बा नौजवान दाउद ने कबचउ नाइ पहिनि के रखो हतो। तब बउ गज्जति भौ बोलो। “कि हम आसमान की चिरईअन अउरु मैदान के जनबरन कौ तुमारी देहें खैइवे कौ दिहीं!” दाउद ने बासे कही। “कि हम तेरे तीर प्रभु यहोवा के नाउ से आउत हइं!” “आजु के दिन यहोवा परमेश्वर तोई मेरे हाँथ मा करि दिही... क्योंकि जा लड़ाई यहोवा की हइ!”



तब दाउद गोलियत
घाड़ सीधो भाजो।
दौउत भए बाने,
अपनी गुफनी से एकु
पत्थरु - गोलियत के
माथे पर मारो। अउरु
गोलियत गिरि परो!



तब दाउद ने जल्दी से गोलियत की बहुत बड़ी तलवारि खींचि के बाकी गह्वनि काटी के अलग करि डारी। जब पलिश्तिअन ने गोलियत कौ मरो देखो, तब बइ लोग अपनी जान बचईवे के लै भाजि गए।




राजा शाउल कौ जउ ध्यान नाइ हतो कि जऊ बहे दाउद हइ
जो बाके लै वीणा बजाउति हतो। अउरु बाने दाउद कौ अपनी फ़ौज
को मुखिया बनाई दौ - अउरु जब लोग दाउद
की जीति के लै बाकी तारीफ़ कन्न लगे, तब
बउ जलनि से भरि गओ। शाउल ने सोंची,
“अब अउरु बाई का जरूरति हइ,
लेकिन राज्जु?” बा दिन से शाउल
दाउद पर नजरि राखन लगे।



फेरि राजा शाउल को मनु परेशान भौ। तब दाउद ने गाना बजाइ के
बाई तसल्ली देंन के लै अउरु बाको दरदु कम कन्न की कोशति करी।
तीन दाऊँ शाउल ने दाउद पर अपनों भाला फेंको। लेकिन दाउद हरि
दाऊँ बचि गओ। शाउल दाउद से डराति हतो,

बउ जांति हतो कि यहोवा परमेश्वर
दाउद के संग मा हइ अउरु
शाउल कौ छोड़ि दौ हतो।



लेकिन शाउल को लड़िका योनातान, दाउद कौ एक भइया के जइसो प्रेमु कत्ति हतो। “मेरो बापु तुमइ मरिबो चांहति हइ,” बाने दाउद कौ चितौनी दर्ई। जाके मारे दाउद भाजि गओ। बाकी दुलहिन ने बाके विस्तरा मा एक पुतला धरि दौ, अउरु आधी राति कौ दाउद खिरिकिया से उतरि के भाजि गओ। जब शाउल के नौकर सवेरे आये, तब बइउ जानि गए हते कि दाउद भाजि गओ हइ।



दाउद कौ शाउल से बहुतु दूरि भाजि के जान परो। भाजन से पहिले बाने, योनातान के संग मा एक कसम खाई। उन लोगन ने हमेशई एक दुसरे की मदति कन्न को बाइदा करो। बहुत पछितात भै, दोनउ दोस्तन ने एक दुसरे से बिदाई लई। दाउद एक ऐसी जगह कौ दूढन मा लगो हतो कि जहाँ बाई शाउल के सिपाही दूढी ना पावइं।



दाउद एक चरबाहो लड़िका
परमेश्वर के वचन से बाइबिल की एक कहानी
में पायी जाती है

1 शमूएल 16 -20

“तुमहोर शब्द के प्रवेश से रोशनी मिलत है।”

भजन ११९:१३०



समाप्त



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढ़े और हर एक दिन परमेश्वरी से बातें कराओ! यूहना ३:१६

